

cessorem defuncti primi hæredis, cum omnibus iis, quæ hæredi debebantur.

34. Inter res bujuscemodi transmissibiles refertur hæreditas, circa quam requiritur, ut sit Adita. Nam Non-adita regulariter non transmittitur. L. un. §. 5. C. de cad. toll. ibi: Hæreditatem enim nisi fuerit adita, transmitti nec veteres concedebant, nec nos patimur. De causa bujus rei latissimè differit Gometzius d. l. p. 93. ad quem Lectorem remitto.

35. Ab hac regula Dd. communiter excipiunt tres casus, quorum unus SVitatis, alter sangvinis, tertius est Juris deliberandi. Verùm an verè, hæreo, potissimè, quoad Transmissionem, qua fit jure SVitatis, & qua beneficio Juris deliberandi. Illa ideo videtur esse hæreditatis quæ sita non quærendæ, quod existentiã SVI hæredis sit instar aditionis, ideoq; uti per hanc quæsitã hæreditas ad quoscunq; ita & per illam Transmittatur. L. 29. §. 2. D. de Cast. pecul. L. 8. C. de suis & legit. hered. Hæc verò non est hæreditatis, sed ipsius solius beneficii deliberationis annalis, de hæreditate adeunda vel repudianda prorogatio, & extensio. Unicus igitur casus sangvinis, unicè veram constituit regulæ Exceptionem, cum Transmissio illa sangvinis non sit hæredum SUORUM, qui ipso jure existunt hæredes, sed eorum, quales sunt Emancipati respectu Patris, & indistinctè liberi omnes, respectu matris. Si erudiri vis, lege hac de Controversia pro solemni suo eleganter & accurratè differentem supra laudatum Dn. D. Frantzkiu. Exerc. 6. quest. ult.

36. Deinde & hoc ad Transmissionem hæreditatis necessarium esse videtur, ut non sit repudiata. L. un. C. de his qui & c. ibi: Si tamen hæreditatem non recusant. L. 13. ff. de acquir. & omitt. hered. ibi: Repudiatione hæreditatem amittit.

37. Ad res Transmissibiles pertinent quoq; Legata, sed si sint purè relicta, aut si sub conditione, vel in diem, ut purificata sit conditio, vel cesserit dies morte hæredis transmittentis. L. un. §. 7. C. de Cad. toll. L. 69. D. de Cond. & Demonst. L. 16. §. fin. ff. de legat. 1. L. 75. §. 1. ff. de legat. 2. Legatis equiparatur mortis causa donatio, quæ exemplo illorum etiam sine agnitione transmitti potest, sicut ita aliquot annos in Scabinatu nostro fuisse judicatum ex Magnific. & Ampliis Dn. D. Pras. Promotore meo æviternum devenerando accepti.

38. Simili modò Jus accrescendi Reale, querela inofficiosi, dos,